

安
徽
金
石
畧

安徽金石畧

卷八

涇縣趙紹祖琴士輯

潁州府

漢老子廟碑

延熹八年
文載隸釋

邊韶撰

在亳州

佚

過水北逕老子廟東廟前有二碑在南門外漢桓

帝遣中官管霸祠老子命陳相邊韶碑

水經注

右老子銘按桓帝紀云延熹八年正月遣中常侍

左悺之苦縣祠老子至十一月又遣中常侍管霸

祠之而此碑云八月夢見老子而祠之世言碑銘

蔡邕作今檢邕集無此文皆不可知也

集古錄

右漢陳相邊韶撰字爲隸書不著名氏世以爲蔡邕書據碑延熹八年八月桓帝夢見老子尊而祠之韶時典其禮因而爲銘碑在亳州衛眞縣太清

宮 集古錄目

右老子銘杜甫李潮小篆八分歌有曰苦縣光和尚骨立今驗其詞乃邊韶延熹八年作非光和立未知甫所見是此碑否而周越書苑以爲韶撰而邕書初無所據碑言孔子學禮時計其年紀聃以二百餘歲聃然老旄之貌也而史記言謚曰聃古謚法無聃又碑云孔子以周靈王二十年生今以

年表世家攷之魯襄公二十二年生實靈王二十一年史書周太史儋事云孔子死後二百二十九年徐廣注曰實一十九年今此碑所書正與史合不知徐廣何所據也

金石錄

碑多用太史公語惟聃然老旄之說不同韶以老子與子西同科深詆班孟堅之失至於韓非同傳則又置而不論何也碑云孔子學禮老子時年十有九按世家孔子年十七孟釐子病誠其嗣必師孔子又云孔子與敬叔適周史所紀非一年中事况孟釐子卒在昭公二十四年孔子年三十五矣

韶不詳究史家之指而誤用之何貴乎五經笥也
赫釋

漢孔子廟碑

建和三年

在亳州

佚

孔子廟前有一碑西面是陳相魯國孔疇建和三
年立

水經注

漢李母冢碑

永興元年

在亳州

佚

李母冢東有碑是永興元年譙令長沙王阜所立
碑云老子生於曲澗許慎又云澗水首受淮陽
扶溝縣蒗蕩渠不得至沛方爲澗水也澗水又屈
東逕相縣故城南其城卑小實中邊韶老子碑又

云老子楚相縣人也相縣虛荒今屬苦故城猶存
在瀨游鄉之東過水處其陽疑卽此城也

水經注

漢朱龜碑

中平二年

在亳州

佚

文載隸釋

過水東逕朱龜墓冢南枕道有碑題云漢故幽州
刺史朱君之碑龜字伯靈光和六年卒官故吏別
駕從事史右北平無終牟化中平二年造碑陰刊
故吏姓名悉薊涿及上谷北平等人

水經注

右朱龜碑云字伯靈察孝廉除卽中尙書侍郎以
將事去官于時幽州

關一

夷侵寇以君爲御史中

丞討伐又云鮮卑侵犯障塞復舉君拜幽州刺史

年六十四光和六年卒龜之事迹不見史傳其僅見於此碑者如此碑在亳州界中云將事去官莫曉其語治平元年六月十四日書

集古錄

右不著書撰人名氏字爲隸書龜廣陵人

集古錄目

集古錄云龜事跡不見史傳余按後漢書西南夷傳熹平五年諸夷反叛執蜀郡太守雍陟遣御史中丞朱龜討之不克太尉掾李頤建策討伐乃以爲益州太守發板楯蠻擊平之華陽國志與史同惟皆言龜不能克而碑云蠻夷授手乞降不同疑碑非實錄也

金石錄

趙氏謂碑非實予謂碑初無斬首獻俘策勲受賞之語但云乞降何害於理乎

碑以礫落爲磊落庭電爲霆電壹縕爲細

縕劉卽播字

隸釋

漢曹騰碑

無年月

在亳州

佚

文載隸釋

曹嵩闕北有圭碑題云漢故中常侍長樂太僕特進費亭侯曹君之碑延熹三年立碑陰又刊詔策二碑文同夾碑東西列對兩石馬高八尺五寸石作粗拙

水經注

右碑文字磨滅其粗可見者云維建和元年七月廿二日己巳皇帝若曰其遺費亭侯之國其餘不

可識也建和桓帝之元年後三十七年獻帝中平
元年騰養子操始爲騎都尉擊黃巾矣

集古錄

右不著書撰人名氏騰封費亭侯追加兼諫議印
綬碑無所立年月在亳州

集古錄目

右碑皇太后曰其遣費亭侯之國爲漢藩輔按桓
帝卽位梁太后臨朝稱制此碑所載詔書乃梁太
后非桓帝也漢自安順以來閹豎用事後騰子操
及孫丕卒移漢祚禍可勝言哉

金石錄

右碑陰刊詔策二前一篇就國策書後一篇乃褒
贈制書篆額云中常侍長樂大僕特進費亭侯

碑水經誤多四字

昨與阡同

隸釋

漢議郎元賓碑

無年月

在亳州

佚

右漢議郎元賓碑在今亳州姓名已殘闕所可見者云字元賓魯相之孫又云舉孝廉除蒼龍司馬衛尉察尤異遷吳令視事二稔民用寧康州辟從事公車徵拜議郎年四十八延熹二年二月卒使者臨弔賻贈特加其餘文字完好者尙多惜其名氏皆亡也

金石錄

漢曹嵩碑

無年月

在亳州

佚

譙城南有曹嵩冢冢北有碑碑北有廟堂餘基尙

存柱礎仍在廟北有二石闕雙峙高一丈六尺榱

櫨及柱皆彫鏤雲炬上復思已碎

水經注

漢潁川太守曹君碑

無年月

在亳州

佚

騰兄冢東有碑題云漢故潁川太守曹君墓延熹

九年卒而不刊樹碑歲月

水經注

漢曹熾碑

熹平六年

在亳州

佚

潁川太守墳北有其元子熾冢冢東有碑題云漢

故長水校尉曹君之碑歷大中大夫司馬長史侍

中遷長水年三十九卒熹平六年造

水經注

漢曹允碑

熹平六年

在亳州

佚

曹熾弟允冢東有碑題云漢謁者曹君之碑熹平

六年立

水經注

漢張明府祠碑

無年月

在潁州府

佚

平輿縣有神廟謂之張公祠水旱之不節則禱之
廟前有圭碑文字紊碎不可復尋

水經注

漢虞詡碑

無年月

在潁州府

佚

武平縣有漢尙書令虞詡碑題云虞君之碑諱詡
字定安虞仲後爲朝歌令武都太守文字多缺不
可復尋按後漢書詡字升卿陳國武平人祖爲縣
獄吏治存寬恕嘗曰于公爲里門子爲丞相吾雖

不及于公子孫未必不爲九卿故字詡曰升卿定

安蓋其幼字也

水經注

漢平輿令薛君碑

無年月
隸續

在潁州府

佚

文載

右碑隸額前有敘凡三十六字大畧云平輿以延熹六年二月卒吏民咨其德建碑于墓側次有銘詩三百四言文雖無缺而不書其名氏其云我君肇祖迺侯于薛者謂夏之車正奚仲也又云作漢卿尹七世相承者西京有御史大夫廣德東京有千乘太守漢淮陽人其傳曰世習韓詩父子以章句著名元和姓纂云薛公獻策滅黥布其元孫曰

廣德而千乘又其元孫也平輿豈其苗裔耶其云
君初舉孝三署播名則知其以孝廉爲郎也又云
蒞政已吾遷典平輿則知其嘗治陳留之邑也又
云來臨汝南剖符之貳者汝南治平輿蓋以縣令
爲郡守之貳也詩云永矢弗諼禮云終不可諼兮
二字通用此則借愼爲諼也敬卽肇字盾卽質字
懋卽懋字賓卽賓字裏卽懷字竺亦音薦碑云遇
此竺旻恐旻亦借用 隸續
按碑言禮云終不可諼兮者大學從禮記中取
出也 趙紹祖識

漢愼令劉君墓碑 建寧四年 在潁上縣 佚

右碑在今南京下邑其名已磨滅其字伯麟少罹
艱苦身服田畝舉孝廉除郎中辟從事司徒掾遷
愼令卒年六十有二銘曰於惟君德忠孝正直至
行通洞高明柔克鬼神福謙受茲介福知命不延
引輿旋歸忽然輕舉志激拔葵人皆有亡貴終譽
兮歿而不朽垂名著兮余家漢碑常患其銘多缺
滅而斯銘偶完故錄之

集古錄

漢相府小史夏堪碑

漢富春丞張君碑

漢譙令碑

無年月 在亳州 佚

在亳州城東北三十里譙令谷

亳州志

魏大饗碑

延康元年 在亳州 佚 文載穎釋

魏文帝以延康元年幸譙大饗父老立壇於故宅

壇前樹碑題云大饗之碑

水經注

右隸書不著書撰人名氏亳州圖經以爲梁鵠書
魏文帝初卽王位將伐吳南行至譙饗軍士耆老

于故宅此碑其元年上二字缺當爲延康元年也
在亳州魏帝廟中

集古錄目

按魏志文帝以建安二十五年嗣位改元延康六月南征七月甲午次于譙大饗六軍及譙父老今以碑考之乃八月辛未魏志誤也是時丕爲丞相漢獻帝猶在位雖政去已久操死纔數月爾丕初無念親之心乃置酒高會大設伎樂而臣下又伐石勒辭夸耀功德豈不可笑也哉

金石錄

右篆額在亳州譙縣碑字有不明者唐大中年亳州李暨再刻丕闕操位改元延康漢祚未移而自

正朔刻之金石可謂無君之罪人也操肉未寒而
置酒高會可謂無父之罪人也士大夫櫝藏其碑
者特以字畫之故爾俾御爲躡禦九增爲九層均
臺爲釣臺復爲蒐隄釋
子建撰鍾繇書墨池編

魏太清石闕題名

黃初三年

在亳州

佚

熙寧元年二月十八日余率僚屬謁太清諸殿裴
回兩闕之下周視八檜之異窺九井禹步之奇酌
其水以烹茶而歸十九日書

集古錄

魏下豫州刺史修老子廟詔碑黃初三年立在亳
州集古錄作太清東闕題名

亳州志

晉故使持節散騎常侍都督揚州江州諸軍事安東大將軍譙定王河內溫司馬公墓神道碑

永嘉三年在亳州

未見

晉譙定王墓碑永嘉三年立

亳州志

晉王右軍黃庭蘭亭石刻

在潁上縣

殘闕

先年民間于學基內掘井得石洗視乃王羲之蘭亭序黃庭經二刻并有銅鼎銅爵石刻存縣庫鼎爵存學宮二刻上憲檄令摹搨殆無虛日明末碎毀

潁上縣志

潁上南關井萬歷時有白光如虹淘井得石鐵皮

銅其外啟之碧綠溫潤面黃庭有思古齋石刻五
篆字背蘭亭有蘭亭序唐臨絹本七楷字崇禎二
年張公俊英蒞潁搨數萬張而碎其石

潁上風土記

按江南通志云今潁州人劉氏重鑄則今之本
卽劉氏重鑄者也其原本尙存石一小塊面背

各存數十字

趙紹祖識

隋立老子廟碑

開皇六年薛道衡撰
佚文載薛司隸集

在亳州

老子祠庭碑薛道衡文在亳州

薛道衡撰麗恭之八分書

金石錄目

碑畧云皇帝乃詔亳州刺史武陵公元胄考其故

跡營建祠堂大隋馭天下之六載也

百三名家輯
薛司隸集

唐高宗謁老君祠文

乾封元年
載潁州府志

在亳州

佚

文

文畧云大聖所資克昌寶祠上德所履允屬休期
朕嗣膺靈命撫臨億兆盡孝敬於宗祧罄懷柔於
幽顯啟介邱而展采坐明堂而受記大禮云畢回
鑒上京肅駕瀨鄉躬奠椒醑如在之思旣深旣始
之情彌切宜昭元本之奧以彰元聖之功

按唐書高宗本紀乾封元年正月戊辰封於泰
山庚午禪於社首壬申大赦改元二月己未如
亳州祠老子追號太上元元皇帝是其事也唐

自以爲老子之後故其辭如此 趙紹祖識

唐元元皇帝廟額碑

開元二十年
亳州佚

敬抱忠撰
在

敬抱忠撰呂獻臣八分書開元二十年十月

金石錄目

唐老子廟碑

開元二十二年
佚

崔季友撰

在亳州

崔季友撰鄭鉉正書開元二十二年四月

金石錄目

唐老子聖母碑

開元二十二年
州未見

李昇卿撰

在毫

亳州老子聖母碑呂獻臣隸書

墨池編

李昇卿撰呂獻臣八分書開元二十二年九月

金石

錄目

唐淮陽郭府君記

天寶間
阜陽縣志

在阜陽縣

佚

文載

記曰公諱冀淮陽太康人也天寶中避安祿山亂
逃居汝陰與夫人扶風馬氏同葬於鸞翔鄉界子
二人長曰忠次曰孝

按阜陽縣志明潁城西雙塚間民張繼寶掘墮
得古磚二徑二尺許一刻行書大字云吾居此
千年後有張氏子本長壽破吾宅者不吉一小
楷書云淮陽郭府君記其文如此張鶴鳴爲諸
生時讀而異焉爲文祭之仍瘞磚故墮間是年
繼寶闔門癘疫子四人並罹官刑繼寶壽八十
四悉如郭府君所策

趙紹祖識

唐立晉顏默碑

無年月

在潁州府

未見

右唐顏默殘碑潁州人家以其石爲馬臺皇祐中王回深父弟同容季見而識其爲魯公書摹本以傳深父爲文以記之默仕晉爲汝陰太守故大厯中魯公追建此碑於汝陰焉

金石錄

唐亳州糾曹廳壁記

無年月

陳章甫撰佚文載亳州志

在亳州

記云漢官儀郡主簿秩四百石綱紀一郡糾整不法兵牧無政蒼生有瘼則天子責我汚吏侵人奸聲載路則使臣責我吏不述職曹有留事則二千石責我役奪人時官有虐蹟則黎元懟我由此觀

之錄事參軍待責之府也所以天官署吏獨難其
人觸邪外臺禮隔宜矣宜斯賞拔多至重官譙毫
郡上應星月禹貢屬豫州分野隴西李公負王佐
之才所以顧盼壁間歎曰官猶四序成功者去屋
壁無記吾將安仰始編舊政令余敘之

唐重立魏大饗碑

大中五年

在亳州

未見

右碑大中五年亳州刺史李暨以舊文剝缺再刻
于石舊碑旣斷續不可盡識而此本特完好故附
於其次俾覽者詳焉魏之事蹟雖無足取而其文
詞工妙亦不可廢也

金石錄

唐張龍公碑

乾寧元年

趙耕撰

在潁上縣

佚

右碑趙耕撰云君諱路斯潁上百社人也隋初明
經登第景龍中爲宣城令夫人關州石氏生九子
公罷令歸每夕出自戌至丑歸常體冷且濕石氏
異而詢之公曰吾龍也蓼人鄭祥遠亦龍公騎白
牛據吾池自謂鄭公池吾屢與戰未勝明日取決
可令吾子挾弓矢射之繫鬣以青綃者鄭也絳綃
者吾也子遂射中青綃鄭怒東北去投合肥西山
死今龍穴山是也公與九子俱復爲龍亦可謂怪
矣余嘗以事至百社村過其祠下見其林樹陰蔚

池水窈然誠異物之所託歲時禱而屢獲其應汝
陰人尤以爲神也

集古錄

唐矮槐文

無年月

在亳州

佚

矮槐文亦佳在亳州法相寺

集古錄

按集古錄此與裴夫人誌同一跋夫人誌石在
長安萬年故摘出錄之

趙紹祖識

唐佛頂尊勝陀羅尼經幢記

中和四年
未見

在亳州

在亳州城西護國禪院八面每面高五尺寬六寸
七面皆書經文一面分兩行大書佛頂尊勝陀羅
尼經幢下小字註云宣武軍亳州南護國禪院立

尊勝陀羅尼經幢記自乾符二年草賊王仙芝尙
君長黃巢等結聚羣兇煞戮万姓莫知其數突入
京國後却返淮陽北下寨約百万餘衆討伐州縣
燒劫鄉間圍繞當郡賴我當使司空當州尙書

闕下

三兵召

闕一

勇符剋

下闕三字

其

闕一

大敗星散諸處

例皆斬首獻上天庭使万姓再獲

闕二字

骨肉團圓

重啟生涯悉皆樂業軍人百姓等遂各捨資帛共

造佛頂尊勝陀羅尼經幢一所上答聖恩用資榮

福時中和四年甲辰十一月六日建施主具列如

後

亳州志

李茂彰正書中和四年十一月在亳州寰宇訪碑錄

按亳州志載記末云施主具列如後而訪碑錄

言李茂彰正書必其在後施主中也而亳州志不

載趙紹祖識

唐梅先生碑無年月佚

唐梅先生碑羅隱隸書天下金石志

宋佛頂尊勝陀羅尼經幢記乾德元年黃麟撰在亳州存

在亳州咸平寺幢八面每面高四尺寬五寸七面

皆書經文其一面分二行大書佛頂尊勝陀羅尼

經下小字皆漫漶惟乾德元年癸亥三月十八日

鄉貢進士黃麟撰郎邪王懷書二十餘字尚可辨

識亳州志

乾德元年三月黃麟撰記王瓌正書又有一幢與此對值無年月殆同時建也寰宇訪碑錄

按亳州志王懷書訪碑錄作王瓌未知孰是趙紹祖識

宋潁州開元寺地藏院新修羅漢功德堂記乾德三年張

邪撰 在阜陽縣 未見 文載阜陽縣志

宋先天太后贊大中祥符七年 在亳州 未見 文載亳州志

按此贊老子之母也中有云渦曲神區實存於恭館皇唐令典緬想於遼源懷顧復於厥初追

劬勞於罔極大明聖善之德別建密清之庭奉
先天之名所以崇徽稱葦洞霄之宇所以法元
都後題大中祥符七年正月二十二日御書院
奉勅摹勒刻石攷追尊老子母爲先天太后武
后光宅元年事

趙紹祖識

宋魏武帝帳殿記

天聖元年

穆修撰
文載亳州志

在亳州

魏武帝廟在亳州城東七里宋眞宗勅修乾興元

年復修

亳州志

記畧云譙東有祠魏武帝之廟也眞宗皇帝有事
於亳宮之歲詔增而新之乾興元年春今樞密右

丞相清河公來撫亳謁祠下命左右謂邦人曰廟
與像則詔修之顧殿內廊廡帷帳之敝埃壒及座
延於冠冕吾將出俸盡爲具武帝泊文明三殿之
帳誠無爲艱如彰爾民慢帝之咎是亦吾過衆聞
公言卽入請曰幸公許民營之公曰吾本自具旣
思同民當共其事卽以俸合民用命工偕作三帳
成卽置殿內非繒帛而以木者圖久也十一月承
詔歸機密之地是歲亳饑至闕上言得淮南數州
廩米來給亳人天聖二年二月潁州文學掾穆修
撰

宋衛尉卿祁公神道碑銘

天聖八年
在亳州

歐陽修撰
文載文忠集

記畧云惟太原祁氏其先出於黃帝之子二十五
人一食於祈遂爲氏盛於晉其後世有居譙者卽
爲譙人後幾世生某公有賢子革咸平三年以鄉
貢進士中第始以祿榮其親公卒於景祐四年四
月年六十一革棄官服喪起復就仕始爲尙書郎
又以爵榮之一命贈大理評事累升衛尉卿夫人
楚氏甚賢後公卒天聖八年始以公夫人之喪合
葬譙縣湯陰鄉將葬乃攷其世德刻石藏墓中又
圖刻於墓隧之外以暴露顯揚孝子之心也

宋蓼驛碑記

無年月

王回撰

在霍邱

佚

文

載霍邱縣志

記畧云霍邱故蓼邑也今縣屬壽距京師八百里境內所包若干里比而環者七州七州之途皆出於驛以達於壽霍邱居最徑然獨無驛使客過者無所歸宿今知縣事大理寺丞謝侯緒至歎曰吾爲地主豈可不知士大夫之辱而不爲之所哉於是相其署東通衢之會始築館焉旣成名之曰蓼驛而屬回撰文勒石以垂不朽

宋侍御史王公墓誌銘

至和二年

佚

王安石撰

在

誌畧云慶厯五年天子以尙書都官員外郎通判

判南府王公爲侍御史居一年以入三司爲戶部
判官又一年還之爲言事御史頃之奏事殿中疾
作歸翌日卒公諱某生五男子回向固同回皆爲
士公年六十三以旣卒之三年葬潁川之某鄉某
原初公嘗過潁樂之故諸孤御其母家焉而以公
於葬至是回之友臨川王某追銘墓上實至和二
年也

宋王深父墓誌銘

無年月

王安石撰
佚文載臨川集

在潁州府

誌畧云深父諱回本河南王氏其後自固始遷侯
官考某尙書兵部員外郎葬潁川之汝陰故今爲

汝陰人深父嘗以進士補亳州衛真縣主簿歲餘
自免去有勸之仕者辭以養母卒治平二年七月
二十八日年四十二朝廷用薦者以爲某軍節度
推官知陳州南頓縣事書下而深父死矣

按荆公推深父之學甚至此誌比之孟子楊雄

又嘗爲祭文以爲多已不如然則宋之王回卽

漢之黃叔度真令人遙想而思見其人矣

趙紹祖識

宋昭靈侯廟碑

元祐六年佚

蘇軾撰
蘇文忠集

在潁上縣

碑畧云南陽張公諱路斯隋初家於潁上百社村
年十六中明經第唐景龍中爲宣城令其化龍事

見趙耕文而載歐陽公集古錄穎上世祀之焦氏
臺乾寧中刺史王敬堯大其廟宋乾德中蔡州旱
刺史司超聞其靈築祠于蔡旣雨學士陶穀爲記
熙寧中司封郎中奏乞爵號詔封昭靈侯石氏柔
應夫人廟有穴五有得蛻骨於池者藏之廟元祐
六年秋旱甚郡守蘇軾迎致其骨於西湖之行祠
禱焉其應如響乃益治其廟作碑而銘之

宋立莊子祠記

元豐元年蘇軾撰
佚文載文忠集 在蒙城縣

記畧云莊子蒙人也歿于餘歲而蒙未有祠之者
縣令秘書丞王競始作祠求文以記

宋潁州金華縣君曾氏墓誌銘

元豐二年 在潁州府 曾鞏撰 佚

文載南豐類稿

誌畧云夫人嫁王氏爲侍御史諱平妻姓曾氏泉州晉江人未嫁盡子道旣嫁盡婦道輔其夫盡妻道夫死寓食於潁以勤儉大其家以誘教成其子又可謂盡母道也子五人回向固同回回有道爲儒宗向回有文回向同回皆早世夫人兄魯公公亮爲宰相熙寧間魯公告老夫人少魯公一歲食其子祿皆居京師二人白首相顧怡然元豐元年春魯公薨四月丁卯夫人亦以疾終春秋七十有

九以夫恩封金華縣君卒之明年葬穎之汝陰縣
懷音鄉南高村祔御史之兆固以狀來乞銘余與
其子遊最舊乃不辭而爲之銘

按誌云夫人嫁王氏爲侍御史諱平妻王荆公
嘗爲侍御誌墓但曰公諱某又爲其子深父誌
墓亦但曰考某而不載其名不知何故非南豐
此誌則平之名不見於後世矣

趙紹祖識

宋韓潭自爲墓誌銘

政和三年
載霍邱縣志

在霍邱

佚

文

誌畧云韓其姓潭其名仲孚其字也世居定陶官
學養親遊梁宋過陳蔡自潁渡淮遊壽春之霍邱

愛其淮水之盛遂卜居焉不幸先子捐館諸弟淪
沒不能歸葬于蓼城之間得吉兆自詣定陶遷祖
父母同葬焉性坦率耽吟咏得千餘篇小詞百餘
首編爲十卷號曰南翔類稿詞分兩卷號曰安樂
雜篇有啟文論三卷藏於家一生困於場屋政和
二年春特恩授榮州文學繼授將仕郎調延州延
縣主簿未赴明年孟夏感夏卒於正寢享年六十
有四嘗觀白樂天杜牧之皆自銘其墓愚斯人之
不及也姑敘平生以貽後世

宋潁州通教寺修塔記

無年月
阜陽縣

沙門惠白撰
佚

在

通教寺在阜陽縣西百八十里沈邱鎮宋明道間
建寺中有塔左右碑記甚多皆剝落不可辨其一
則宋沙門惠白潁州沈邱縣郭下周元吉修塔第
三級記此碑新搨自寺中觀首行所云則宋時沈
邱縣地尙在今阜陽邑內

阜陽縣志

金續修太清宮

明昌二年未見

胡筠撰
文載亳州志

在亳州

按主修者爲李圭而記後題名云明昌二年歲
次辛亥十月亳州學正胡筠撰甫城逸人陳知
常書前唐州司候判忠顯校尉武騎尉致仕劉
琦將仕郎亳州衛真縣主簿婁襄安遠大將軍

行亳州衛真縣令輕車都尉開伯伯食邑七百
戶完顏同罕立石而獨無李圭名與其結銜何
也記冗而俚而敘事頗詳

趙紹祖識

元趙子昂墨刻

在亳州存

在亳州咸平寺

亳州志

右趙文敏書蕭散古淡筆法與世傳天冠山詩刻
同墨跡藏定遠方氏丁酉夏借觀因屬山右牛栢
岡文學雙鈞上石公諸同好鑄者則江寧侯懷勝
亳州梁巘識

元加封孔子碑

延祐元年
州志

在亳州

存

文載亳

仁宗延祐元年加封孔子碑知州姜大亨立

亳州志

其詔曰蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名言之妙尙資神化祚我皇元

按亳州此詔後有一行云大德十一年閏復撰大德是成宗紀元中更武宗至仁宗延祐元年

凡八年而詔始下也然詔未有書撰人名者未知果是否也

趙紹祖識

又按成宗卒於大德十一年正月而元史武宗本紀載此加封詔在七月是詔爲武宗所下至仁宗而亳始立碑耳

紹祖又識

元立老子石像贊序

無年月未見

楊侯斯撰

在亳州

序畧云合漢唐以來君臣所爲老子贊若干首藏於亳之太清宮漢人好黃老至論其指要莫善於太史公及爲老子立傳必至於唐然後得列於諸傳之首此贊之所以爲難也宮住持真人馬君將

刻之石求余序之

按亳州序下列諸贊君則魏明帝唐高宗明皇
肅宗宋眞宗元世祖臣則漢劉向晉孫綽牽秀
湛方生王廙唐杜光庭宋邵雍王朋壽皆具其
文志又云紫極廣靈太清三宮元末爲韓林兒
折毀漢唐碑碣無復存者是可惜也

趙紹祖識

元流星園碑

無年月

在亳州

佚

元流星園碑在亳州

天下金石志

元譙縣創建尉廨記

無年月

張瑾撰

在亳州

記畧云譙自金季板蕩殘於兵盜又與宋壤比時

有我元汝南忠武張公來戍於此宋人不敢窺邊
遺民還業今已六紀矣然而一尉每僛民廬羈棲
至正壬戌永年王君正作斯邑知尉解久曠購民
故宅而改塗易檐以正官署旣落成尉李彥澤求
予誌以垂永久

按至正無壬戌亳州志誤也記云宋人不敢窺邊
今已六紀則從宋未亡起算必至治也

趙紹祖識

元張宏畧手書碑

泰定元年

在亳州

未見

在亳州城東北隅關帝廟碑高一丈寬五尺厚一
尺四面雜書楚詞唐詩泰定元年宏畧子張珪立

石 亳州志

元楊侯去思碑記

秦定二年 未見

曹時敏撰 文載蒙城縣志

在蒙城

記畧云至元甲午制上凡軍民占田今畝賦小麥三升蒙歲賦一萬七千餘石由渦流漕致荆淮官廩舟之費七八萬猶之可也厥後水淺舟膠議陸挽率兩斛而得一百姓凋敝且麥性積久則敗復召原輸之民挾褚幣入倉糴舊納以出民懷荼毒控愬無所秦定甲子楊君誠來尹斯邑習知斯弊乃議準估入錢以折戶租蒙允檄下百姓如去熾炭而濯清冷明年府悉以所隸郡縣遣君省視君

如前請於是一路生民皆沐休澤乃勒之堅珉揭示來者

元寥陽萬壽宮碑銘

至和元年

杜禧撰

在亳州

未見

文載亳州志

在亳州城內西南隅元張柔爲通真子劉志義建

祀老子後爲軍儲倉今改儒學

亳州志

記畧云國初有通真子劉志義世爲相下右族太師汝南王駐兵茲郡一見如平生虛左而待之郡之東北土人謂曹公之故宅張侯以其地予公爲道院榜曰玉清萬壽宮俾弟子女冠劉守真居焉後於郡之西南隙地望仙伏龍橋之旁昔呂仙翁

棲遊之所經之營之落成題曰寥陽萬壽宮乙酉
八月超然物化春秋一百二十餘齡戊子葬於明
王臺至和戊辰春二月其弟子謁余請銘元翰林
院編修杜禧撰

按元紀年有致和無至和毫志誤也 趙紹祖識

元城隍廟碑記

至順二年 王穆撰
見文載霍邱縣志

在霍邱 未

記畧云至順二年霍邱重建城隍神廟承事郎達
魯花赤名怯列者首捐己祿爲之倡夫一邑之中
神以理幽令以治明二者相須以維民事令盡心
於神者如此則其爲民者可知矣

元重修天靜宮碑記

至順二年未見

張起巖撰
文載亳州志

在亳

東太清宮卽流星園在亳州東一百二十里相傳老子之母曾居於此有星突流於園遂孕老子天靜宮與流星園接壤前爲聖母殿有大石枕刻文曰鑿石爲枕斷木爲橋紅塵不到終日逍遙元至順二年提點劉道廣重修

亳州志

記畧云宮在城父之福寧鎮去亳郡四舍距渦水二里道士牛志春奉伊宮提點劉道廣以老子生於此宮址經營至久而成且言宋天禧二年盛度撰舊宮碑文漫滅不可讀而銘尙存有三班教職

王宗某同監修官亳之守臣名銜在焉蓋奉勅而爲之也今承舊基而創新之屬余志之志春華不注里人余同鄉也元翰林院編修張起巖撰

元東嶽廟碑記

後至元三年未見

曹時晦撰文載亳州志

在亳州

記畧云亳州東嶽行宮至元乙亥耆民劉文興等創建今六十稔矣至元重紀之三年王仁李友直徐旺等撤而新之厥功告成屬余記其巔末於石好義贊成者共刻於碑陰學正曹時晦撰

元修文廟記

至元四年

在亳州

未見

文載亳

至元丁丑知州蓋苗監郡阿里海牙建兩廡繪七

十子像築宮垣學室召生徒居之

亳州志

記畧云亳有孔子廟昉自丁巳創建於汝南王張
柔今且八十年至元重紀之三年丁丑冬清泉蓋
公知州事見其門廡樓亭日就剝落歎曰是吾責
也明年春二月公合議於廳監郡僚屬交贊之遂
分工合匠五旬而就緒攝學正曹時晦謂謙實州
佐而身歷其詳宜爲之文

按撰者名謙而不自著其姓與其銜

趙紹祖識

元伯顏祠碑記

至正九年
州志

在亳州

文不全在亳

祠在亳州東城父村

亳州志

記畧云至正丙戌敦武校尉伯顏來城父縣爲達
魯花赤盜賊不敢犯境二三年間境內稍寧己丑
春二月義門鄉塢下村有賊二十徒白晝殺人而
奪之貨時候小疾聞之奮起馳馬出門聞賊去掠
福寧鎮轉馬南追至鎮之水西村與賊遇賊退候
追之不意伏卒十餘人突出杏林前後衝殺爲賊
所害棄首於宿州境

下皆闕

安徽金石畧

卷九

涇縣趙紹祖琴士輯

滁州

漢羹頡侯墓碑

無年月

在全椒

佚

羹頡侯墓在全椒縣城中故老相傳今無碑石矣

太平寰宇記

漢阜陵王墓碑

無年月

在全椒

佚

在全椒縣東十五里漢光武子封阜陵王葬於此

其冢高大傍卽阜陵城

全椒縣志

按阜陵王延於肅宗章和元年徙都壽春其墓

似不當在全椒然全椒進士中書韓致春泉言
斷碑猶存字雖漫漶而土人尚名其地爲王墳

石姑記之以俟知者

趙紹祖識

吳白鶴井刻字

赤烏二年

在全椒

存

井在白鶴觀前右石闌內有刻云赤烏二年立

全椒

縣志

唐新興院講堂碑

無年月

顏元孫撰

在全椒

在全椒之新興院唐顏元孫撰

輿地紀勝碑目

唐林希望白鶴觀碑

景雲元年

林希望撰

在全

作于唐景雲二年在全椒縣之白鶴觀

輿地紀勝碑目

唐白知節告身石刻 開元十七年 在滁州 佚

今琅邪寺有唐滁州刺史白知節告身石刻乃開元十七年也 輿地紀勝碑目

唐侯並寺古碑 無年月 在全椒 佚

在全椒之侯並寺 輿地紀勝碑目

唐庶子泉銘 大曆六年 李陽冰撰 在滁州 佚

右庶子泉銘李陽冰撰慶曆五年余自河北都轉運使貶滁陽屢至陽冰刻石處未嘗不裴回其下庶子泉昔爲流溪今爲山僧填爲平地起屋于上問其泉則指一大井示余曰此庶子泉也可不惜

哉 集古錄

唐李陽冰撰并篆書大厯六年三月 金石錄目

集古錄云陽冰撰并書鑿井郎邪山勒銘於泉側
旁又別題十八字昔以大厯六年刻在琅邪山歐
陽公謂學書者皆云陽冰之跡世多矣無如此銘
者中更兵火古刻敝失後再刻于郡齋 輿地紀勝
碑目

按集古錄無此語是歐陽棐集古錄目中語而
碑目以爲集古錄也 趙紹祖識

唐李幼卿新鑿琅邪泉記 無年月 在滁州 佚

李陽冰篆書在滁州 金石畧

唐李陽冰琅邪泉題名

大曆六年

在滁州

佚

篆書大曆六年三月

金石錄目

按此或與琅邪泉同一石未可知或卽所謂別刻十八字者亦未可知今不得見兩存之

趙紹祖識

唐題琅邪山詩

無年月

李幼卿撰

在滁州

佚

李幼卿題詩八分書無姓名柳遂皇甫智詩附

金石錄目

唐琅邪溪述

大曆六年

李幼卿撰

在滁州

佚

唐大曆六年李幼卿述

輿地紀勝碑目

此恐卽是新鑿琅邪泉記

趙紀祖識

唐琅邪溪記

無年月

劉灣撰

在滁州

佚

唐秘書郎劉灣撰

輿地紀勝碑目

唐寶曆寺記

貞元三年

崔祐甫撰

在滁州

佚

唐寶曆寺記正元三年崔祐甫撰

輿地紀勝碑目

唐花林宴別記

無年月

竇常撰

在全椒

佚

右花林宴別記唐竇常撰花林寺在滁州全椒縣

余在滁陽遣推官陳詵以事至縣見寺旁石澗岸

土崩出石崖隱隱有字亟命模得之

集古錄

唐懷崧樓記

開成元年

李德裕撰

在滁州

佚

文獻會昌一品集

記畧云懷崧思解組也此地舊隱曲軒傍施埤堦

余盡去危堞敞爲虛樓周視原野永懷崧峯肇此
嘉名且符夙尚丙辰歲丙辰月銀青光祿大夫滁
州刺史李德裕記

郭忠恕八分書并篆無歲月

金石錄目

按記明云丙辰歲丙辰月金石錄目何云無歲
月也

趙紹祖議

唐遊琅邪山題名

無年月

在滁州

佚

琅邪山題名李德裕男椅等分書

金石畧

唐苻溪新亭記

會昌二年

李漬撰

在滁州

佚

文載江南通志

李漬撰楊紹復正書

金石錄目

按苻溪在滁州皇道山下去州城東五里後以

避楊行密嫌名改爲菱溪

趙紹祖識

宋康王墓碑

無年月

在全椒

未見

在全椒縣南十五里崇善山父老相傳景德間王
葬於此碑石無考

全椒縣志

宋豐樂亭記

慶曆六年

歐陽修撰

在滁州

存

文載文忠公集

豐樂亭在滁州城西南琅邪山宋歐陽修建自爲

記蘇軾書

江南通志

按豐樂亭在滁州城南二三里間歐記云得於
州南百步之近豈今之城或移建而與宋不同

與至琅邪山則去城十餘里江南通志誤也余嘗至亭下碑凡四石對峙三刻此記其一刻吳道子所畫觀音像

趙紹祖識

又按寰宇訪碑錄云豐樂醉翁二記有明嘉靖間重刻於全椒縣本余未見滁州一黎姓人家有木刻本亦可觀

紹祖又識

宋醉翁亭記

無年月
文載文忠公集

歐陽修撰

在滁州

存

醉翁亭在州南七里歐陽修建有記刻石蘇軾書州志云明太僕卿趙欽創爲樓萬厯中太僕卿沈

思孝改爲解醒閣

江南通志

按今土人但言醉翁亭無云解醒閣者地以人重耳何沈君之不自諒也碑石凡四在亭右字

下字與豐樂亭記皆正書大三寸許

趙紹祖識

宋菱溪石記

無年月 歐陽修撰
文載文忠公集

在滁州

佚

記畧云菱溪之石有六其四爲人取去其一差小而尤奇亦藏民家其大者僵卧溪側菱溪爲圖經所不載唐會昌中刺史李漬爲荇溪記滁人曰淮人諱楊行密嫌名以荇爲菱理或然也溪傍有遺址云故將劉金之宅金與行密俱起合肥石卽劉氏之物予惜其可愛而棄也乃以三牛曳置幽谷

又索其小者得於白塔民朱氏遂立於亭之南北
以爲滁人歲時嬉游之好

余嘗署滁州學訓導時來署州守者爲陽湖呂
榮幼心曾搜尋此石得其小者遷置於滁明倫
堂前余觀其石雖小有邱壑似不足稱其名殆
非原物也 趙紹祖識

宋醒心亭記

慶歷七年 曾鞏撰 在滁州 佚
文載南豐類藁

記畧云歐陽公作州之二年構亭曰豐樂自爲記
又直豐樂之東幾百步得山之高構亭曰醒心使
輦記之公與賓客卽豐樂以飲或醉且勞矣則必

卽醒心以望而其心洒然而醒故卽其所以然而
爲名取韓子退之北湖之詩云

宋積玉橋記

嘉祐二年

王成撰

在全椒

佚

積玉橋距全椒縣不百步宋嘉祐二年吳訟暨僧
人行悅建積玉周歲功乃成朝奉郎王成撰記今
不成

明黃瓌重修積玉橋記

宋尙書祠部員外郎祕閣校理張公墓誌銘

治平二年王

安石撰

在全椒

佚

文載臨川集

誌畧云滁全椒張君諱瑗字君玉以進士甲科守
祕書省校書郎簽書平江軍節度判官廳公事又

通判鄂州梓州召試以爲祕閣校理五遷爲尙書
祠部員外郎年五十五以嘉祐五年四月卒京師
子伯孫仲孫世孫治平二年九月葬君全椒善政
鄉修仁里

宋朝請湖南轉運判官吳公墓誌銘

無年月黃庭堅撰在全椒

佚文載山谷集

誌畧云公諱革字孚道魏夏津人大父諱用之滁
州全椒令遂爲全椒人公舉進士厯所仕課皆第
一除江西轉運判官徙湖南居數月歿於官元祐
三年四月某甲子也

宋蔡姥廟禱雨靈應記

元祐七年

徐徽撰 在全椒佚文載全椒縣志

記略云宋元祐七年夏四月不雨至於五月田疇皆涸縣令姚君滂遍祈於神未獲嘉應丙申齋戒夙興詣蔡姥廟禱丁酉忽有暴風驅雲雷自西南而至大雨向晚雨益大注遠近告足士民快悅獨山翁曰蔡姥之神圖經不載然余聞昔日赭澗之南至鵲門二十餘里皆陂澤滁水流其中時有風波不測之險土人因立蔡姥廟如巢湖之有靈母廟也亦號曰龍女祠當僞唐初築城蓄水以絕天兵之來及平江南決瓦梁堰以洩滁水入於江自

是無泛濫患而赭澗南遂成田澤蔡姥廟獨在高
阜歲旱祈禱有應因序所聞以記

宋紹興十八年進士題名記

在滁州

存

右紹興十八年進士題名記第一甲王佐等十人
第二甲甘焯等十九人第三甲索楊等三十七人
第四甲孟致誠等一百廿二人第五甲戴幾先等
一百四十四人案文獻通考是榜進士三百三十
人省元徐履狀元王佐四川進士二十三人今以
石刻證之實三百三十二人宋初南省第一人殿
試唱名過三名不及則越衆抗聲自陳必得升等

范蜀公避不肯言後遂以爲故事此榜徐履以省
元而殿五甲未詳其故後讀張荃翁貴耳錄稱淳
熙間省元徐履因功名之念太重遂有心恙之疾
殿試卷子寫一枝竹題曰畫竹一竿送上試官朝
廷亦優容之以省元身後一官與其子乃知履之
殿甲蓋因心恙所致然履乃紹興進士而荃翁以
爲淳熙間則記憶之誤爾又考新安志是榜徽人
登進士者鄭之純汪端彥俞舜凱與朱子凡四人
端彥與朱子皆籍婺源今檢此錄朱子貫建州建
陽縣端彥貫饒州德興縣蓋宋世士大夫仕官而

去其鄉當時不以爲非而功令亦無寄籍之嫌也
舜凱係特奏名第一人今附在第五甲之末宋人
邱密江陰軍人隆興元年進士第三人此錄第五
甲亦有邱密貫建州甌寧縣蓋別是一人也宋登
科錄今已不傳此榜以朱文公故特存石刻在滁
州之歐梅亭明人張明道有跋潛研堂金石文跋
尾續
宋全椒縣重建漢皇廟記乾道五年
全椒佚沈說撰在
文載全椒志
記畧云先漢高皇帝廟食於滁非一祠也有鄉長
寧距椒邑一十五里舊嘗有祠毀而復成不知其
幾自兵躡淮甸祠廢無存而鄉氓之揭虔如初曰

陽曰雨耿耿之應端不誣也致政王君偕其子慨然念蔭庠之不爽悵梁桷之不立爰出資爲倡顓成西廡繼是衆役並興經始於乾道丁亥落成於己丑王君來請紀顛末因書授之俾鑱諸石

宋重建勅書樓記

紹熙六年未見

文載全椒縣志

邵康撰在全椒

記畧云藝祖開基詔所在爲樓以藏勅書全椒之有臺門昉乎此實令徐倣之所建也元豐庚申更新則令尹李彥明所作而廬陵太守吳革所記中更兵火樓不復存姑蘇陳君仲恕爲令下車士民以請卽日謀之僚佐以諗於州越十旬而就緒邑

人願書其事以詔來者而屬筆於余樓成於紹熙
癸丑四月後二年而祕書丞邵康始作記

宋全椒縣繼葺學宮記

紹定元年
椒 未見

杜旂撰
文載全椒縣志
在全

記畧云全椒有孔子廟崇寧間始立學紹興辛巳
金人犯淮滁學燬至淳熙丙寅令張君泌因廢作
新寢崇舊規開禧兵又燬令章君良朋迺興學於
嘉定之戊辰明年兵又燬後十有二年今天子改
元於杭史君洽以令視學曰令不當起廢墜耶以
寶慶丙寅謁先聖於學之廢址以紹定戊子奉先
聖於學之新宮走書二千里屬記於余余嘉其志

三得金不昇
卷九
憫其勤也推考前後廢興之故書之

宋書心經
無年月 在滁州 未見

楊友直女篆女適著作郎黃元
天下金石志

宋呂純陽像
婆提像 在滁州 佚

俱黃翰畫在琅邪山
天下金石志

元滁州重修孔子廟記
大德八年 吳澄撰 在滁州 未見 文載文正公集

記畧云滁州學正劉默言滁學在城東偏宋季年
安撫金之才修州城官廨神祠亦新孔子廟多事
之際苟簡取具今才四十年已壞不可支奉訓大
夫徐侯守州謁廟畢慨然曰滁古名郡今廟貌如

是安乎聞者感奮輸資市材命工撤舊改作始於
癸卯之夏成於甲辰之秋祭器諸用物稱是皆默
所職掌請記其事澄觀今之蒞政者孰知治之當
務治之有本哉徐侯可謂知治之本矣徐名君慶
許人

元增修儒學記

至正五年 王綱撰
見 文載全椒縣志

在全椒 未

記畧云至正改元詔復科舉興學校惟全椒歲久
弗治四年八月李侯來尹斯邑首以勸農爲務欲
及學校未遑跋涉王事明年歸是秋大旱農以侯
勸故塘沛儲水旱歲有獲遂舉監縣丁好禮計瀉

材於江攻石於山冶陶於野鳩工聚徒冬晴溫煖
天相其役至此而畢仲丁釋奠籩豆靜嘉大設犒
燕而落成焉諸儒以書徵記於余

元神山寺石井刻字

無年月

在全椒

存

寺在全椒縣西北三十里宋太祖破滁經此寺前
白石陞皆龍文今尙存寺有井鑿石爲之中勒字
云元至正時鑿深七尺以石投之鏗然有聲若出
金石

全椒縣志

和州

唐西楚霸王靈祠額

無年月

在和州

存

李陽冰篆在烏江廟

輿地紀勝碑目

唐天門山銘

李白撰

文載太白集

唐李白天門山銘御史邢夢臣書在和州小廳東

輿地紀勝碑目

唐和州刺史廳壁記

寶曆元年

劉禹錫撰

在和

在和州後廳西

輿地紀勝碑目

記畧云歷陽古揚州之域于天文直南斗魁下在

春秋實勾吳封後爲楚所取秦隸九江爲九江治

所晉復隸淮南至永興初自所爲郡益之以烏江

宋臺建目爲南豫州又益之以龍亢梁之亡也北

齊擁貞陽侯以歸王僧辨來迎會於茲地二國和
協故更名和州國朝因隋更龍亢爲含山始余譴
連山今由巴東來牧考前二邦之籍與版圖纔十
五六而地征三之究其從來女工尙完堅無文章
交錯之奇男夫尙墾闢無卽山近鹽之逸市無嗤
眩工無彫彫無遊人異物以遷其志凡百爲一出
於農桑繇是而言瘠天下者其在多巧乎寶厯元
年六月二十一日刺史中山劉禹錫記

唐陋室銘

無年月

劉禹錫撰

在和州

未見

文載劉夢得集

柳公權書在和州廳事東偏之陋室

輿地紀勝碑目

唐柳公權書金剛經

無年月

在含山

未見

在含山褒禪寺

輿地紀勝碑目

唐褒禪寺金剛經柳公權書一在鄆縣

天下金石志

唐李思聰鷄籠山詩

無年月

在和州

佚

在和州小廳東

輿地紀勝碑目

唐花寺碑

無年月

在含山

佚

大唐花寺碑在和州含山文字已摩滅

墨池編

唐張翺白字碑

無年月

在和州

佚

在烏江廟

輿地紀勝碑目

唐姚闡烏江圖經詩

無年月

在和州

佚

在烏江項王廟碑陰

輿地紀勝碑目

唐李宗重修碑

無年月

在和州

佚

在烏江廟

輿地紀勝碑目

唐項亭賦碑

無年月
一品集

李德裕撰

佚

文載會昌

在烏江廟賦云望父老而蒼然歎烏江之不渡思
項氏之入關按秦圖而割據恃八千之剽疾棄百
二之險固咸陽不留王業已去雖未至於陰陵誰
不知其失路耻沐猴之醜詆乃烹韓而泄怒謂天
命之我欺何霸王之不悟

輿地紀勝碑目

按文饒集望父老作望牛渚我欺作可欺似當

以碑目所載爲是又按集賦前有序云息駕烏江因覩大尉清河公刻石云云似項亭前尙有碑而諸書與和州志皆不載

趙紹祖識

南唐項王亭碑

無年月

在和州

佚

項王亭碑徐鉉篆

天下金石志

宋內殿崇班錢君墓碣

嘉祐二年

文載臨川集

王安石撰

佚

碣畧云內殿崇班廣德軍兵馬都監錢君之墓在和州之厯陽雞籠鄉永昌里君諱某字某右屯衛將軍諱某之子昭化軍節度使諱某之孫吳越文穆王諱某之曾孫始以內殿崇班累遷內殿承制

提點廣南西路刑獄以功次遷供備庫副使儂智
高爲姦君請戍兵以待變大臣不許智高果反坐
誅三官監饒州酒稅復遷內殿崇班廣德軍兵馬
都監嘉祐二年三月卒年七十一昭化治和州十
八年卒遂留葬故君子淇沂沃溥奉君喪歸葬於
永昌先人之兆從余以求銘

宋游定夫墓誌

宣和五年

楊時撰

在含山

佚

誌畧云予昔在元豐中受業於明道先生兄弟之
門有友二焉謝良佐顯道公其一也公諱酢字定
夫建州建陽人與其兄醇俱以文行知名伊川先

生一見謂其可與適道是時明道先生知扶溝縣設庠序召公職學事公欣然往從之盡棄其學而學焉元豐六年登進士第調越州蕭山尉用薦召爲太學錄除博士公以食貧待次奉親不就擬知河清縣忠宣范公判河南待以國士移守潁昌辟公自隨爲府教授未幾還朝秉鈞卽除公太學博士忠宣罷公請外除簽書齊州判官廳事丁憂服除再調泉州簽判上皇卽位召爲監察御史出知和州歲餘管勾南京鴻慶宮知濮陽軍以親老乞祠除提點成都府長生觀丁太碩人憂服除知舒

州移濠州不數月罷歸寓歷陽宣和五年五月疾終年七十一葬於和州含山縣車轅嶺之原

宋重修湯泉浴院記

慶元中

文載和州志

在和州

記畧云晉元帝渡江命郭景純筮之曰西南郡縣以陽名者井當沸爲中興之應未幾井沸者三古圖經曰沸井在郡西百步古城內至唐劉賓客爲郡時作詩已曰沸井今無湧蓋湮沒久矣本朝建隆三年江南韓文靖公作湯泉惠濟禪院記則曰舊止有太子湯謂梁昭明所嘗浴而東西兩湯合三泉今十有四所周匝五里間元豐元年蘇文忠

公劉貢父秦少游記之益詳如厯陽之平疴由治
平中錫院額爲香社院元祐八年耿天騭記含山
之陳村湯又三所其旁亦有院名永興而平疴出
郡城香泉門三十五里慶元中詔以使者節命太
府寺主簿王季立按實季立有志者也始經平疴
因念此泉蠲除疾厲灌溉農田鹽沐所須抑其細
爾思必一新之暨爲是郡裁節餘緡飾龍祠一區
浴院三間有渠以醺其流有垣以蔽其隱志之所
存成於指顧又闢漏澤園以掩遺骼市弓弩矢以
繕兵防刳民蠹舉郡綱其所施爲豈特此乎季立

名大過

宋華陽山喜雨亭記

嘉泰元年
山 佚

陳仲英撰
文載含山縣志

在含

記畧云天人之際至邇也吾誠不至人猶不孚况
幽於物者乎和郡面江背滁左導巢湖右引瓦梁
又有麻澧二湖之浸田號沃壤河渠溝洫歲久不
治故失時不雨民且狼顧太守王大過首浚城南
之河上引湖水下接江湖環城數十里賴以灌溉
獨西北地連山阜種不入土大過朝祠夕禱自夏
徂秋嘗得太乙醮式齋滌行之方手書青詞微雨
飛灑明日雷雨大作單車造褒山卽華陽洞親投

符券訖事出山陰雲四簇甘澤隨霑僧慧機築亭
洞前名曰喜雨仲吳視田道出山下機求記其事
昔春秋書四月不雨者閔雨也六月雨者喜雨也
二者皆有志於民而書之是亭也豈特誌一時之
喜哉嘉泰元年孟春望日記

元蒼山祈雨記

大德四年 劉景仁撰
佚 文載含山縣志

在含山

記畧云含山爲邑衆山環之名曰環翠邑之西南
巍然屹立者蒼山也山隈有池相傳有龍潛於其
下宋時祈禱有應勅賜行雨龍王之號載在祀典
大德己亥兩月不雨縣尹王公名貞字吉卿衛州

人率衆登絕拜於祠下祝曰神興雲雨田得潤澤
當勒石以昭靈應斯言一啓甘雨隨降遂得小稔
奈公冗未酬次歲庚子復旱公歉然曰向碑未立
是予之咎復詣祠謝過禱雨未幾霽霈歲則大熟
乃捐俸立石于廟俾余直書其事

元建儒學碑記

至正四年
未見

葛岡孫撰
文載含山縣志

在含山

記畧云含山古歷陽郡屬邑按圖經卽東晉之龍
亢唐武德中改今名宋季爲邊圉學雖屢燬而士
氣不衰縣尹劉恭有志修撰未及就而去今縣尹
覃懷榮克讓繼至一切易以新木盡撤舊瓦而重

覆之至正元年夏部使者山東王元戴讞獄行縣
爲大書明倫堂三字揭之楣間衆心益勸工以大
修經始於至正元年秋八月厯三期始訖事

元和州建尊經閣記

至正八年未見

危素撰文載和州志

在和州

記畧云至正八年和州新作尊經閣成諸生屬臨
川危素爲之記按宋宗室善相爲淮西安撫使命
教授戚應昌始建是閣嘉定十三年也我朝至治
三年知州張克忠至順二年州長伯不花教授朱
元皆更作之高侯守祖來守是邦迺命復加修治
甫三旬而工告竣益增置書籍因其舊名曰尊經

安徽金石畧 卷十

涇縣趙紹祖琴士輯

廣德州

唐橫山廟碑

無年月

顏真卿撰

在廣德州

佚

碑載自梁天監五月至唐天寶中以祈禱感應始

贈水部員外

輿地紀勝碑目

唐鎮山寺陀羅尼經幢

無年月

在廣德州

存

行書在廣德州

寰宇訪碑錄

南唐瑞峯永安竹山禪院記

宋開寶三年

李約撰

佚

文載廣德州志

竹山禪院唐咸通八年建光化三年田頔改爲瑞

峯永安禪院南唐保大丙辰僧道過重修

廣德州志

按記末云將仕郎試太常奉禮郎掌表奏李約

述宋開寶三年歲次庚午七月建去丙辰重修

二十五年矣又庚午南唐李璟中興之十三年

也時奉宋正朔故稱宋元

趙紹祖議

宋廣德軍重修鼓角樓記

熙寧元年廣德州

佚

曾鞏撰

文載南豐

類藁

記畧云熙寧元年冬廣德軍作新門鼓角樓成太守合文武賓屬以樂之以書屬鞏爲記太宗皇帝在位四年按地圖因縣立軍使得奏事專決體如

大邦而門闕隘庠樓觀弗飾治平四年尙書兵部
員外郎知制誥錢公輔守是邦始因豐年治財積
土將改而新之會尙書駕部郎中朱公壽昌來繼
其任明年政成乃擇能吏揆時庀徒自冬十月甲
子始事至十二月甲子卒功至於伐鼓鳴角以警
昏昕下漏數刻以節晝夜則又新是四器列而棲
之

朱祠山鐵像題字

紹聖二年

四年

在廣德

存

右祠山鐵像題字甲寅歲瞿堦鏡濤游廣德州拓
以見貽言兩像甚鉅東西相對腰間左右若蔽膝

者各二皆有文字一紹聖二年乙亥正月廟祝陳述明題一紹聖丁丑三月胡庶題皆有緣化急脚子李文安名蓋閱兩年有餘始歲事也字畫端整有唐人法度但陽文隱起不易拓耳周秉秀祠山事要載胡庶靈濟王廟碑云元豐元年春有詔取士庶將赴試而進止未決夢王語庶曰汝來年登第矣二年春果如夢庶廣德人嘗爲南陽縣主簿碑立於元豐三年像題字又後十八年也秉秀誤據湯景仁記以爲當在崇寧因譏編年之譌又謂不當添胡庶名然此像字畫分明何不一寓目而

輒以肫斷耶

潛研堂金石文跋尾續

宋范文正公祠堂記

紹興九年

汪藻撰
佚文載浮溪集

在廣德

記畧云公以進士釋褐爲廣德參軍日抱其獄與太守爭是非歸必記其往復辨論之語於屏比去至字無所容貧止一馬鬻之徒步以歸獄官有亭以公名之者舊矣公卒二十年高郵孫覺爲廣德軍始以詩志公之事而刻之亭中又六十九年丹陽洪興祖來守是邦求公遺像繪而置學使學者世祀之屬余記其事紹興九年六月汪藻記

宋重修廣惠廟記

紹興三十二年

湯耜之撰
佚文載廣德州志

在

記畧云廟肇建於西漢千數百年而王英靈凜然
紹興三十一年延平曹公紱來守是邦祇謁祠下
雖氣象雄勝然修葺日久非因故爲新何以揭虔
妥靈乃偕通守錢公肅之捐俸爲先郡人勸趨自
效撤而新之極其壯麗邦人以記屬余乃爲之書
紹興三十二年二月湯耘之撰

宋建大成殿記

淳熙六年 杜炎撰
文載廣德州志

在廣德 佚

記畧云桐川學在郡城巽隅治平中太守錢公輔
實基之更兵燹無存紹興初洪興祖營之地卑下
水潦蕩沃隆興改元曹公紱新兩廡殿未遑也淳

熙丁酉承議郎趙希仁山甫剖符來臨明年端月
炎始分教仲春朔侯謁儒官顧炎曰可坐視耶又
明年始取杞梓撤而新之訖事卜日告成諸生請
炎伐石爲記爰識其實

宋放生池記

慶元二年
文載渭南集

陸游撰

在廣德

佚

記畧云放生名池用祝壽祺唐顏真卿石刻傳於
世宋興十三聖深仁厚德鳥獸魚鼈咸若郡國修
故事以廣聖澤惟廣德軍以郡圃後池爲之地隘
不稱承議郎曾侯桌以慶元二年領郡顧而太息
會至于城西南得亘溪因其故加治築室於其會

名溪堂重明節率僚吏放鱗介望行在拜稽禮成而退移書笠澤陸游使爲記

按光宗以九月乙丑生號重明節寧宗以十月丙午生號瑞慶節慶元爲寧宗紀云而重明節放生以祝者時光宗爲太上皇也

趙紹祖識

宋贍學圩田記

淳祐元年王遂撰佚文載廣德州志

在建平縣

記畧云廣德高宗朝置郡建平爲縣會稽施君德懋始典邑事縣故有學士未有養施君招其子弟秀民而教焉秩滿婺安徐君邵孫爲代淳祐改元以書報遂曰施君復陽賽等田凡得萬畝有奇其

未有主者千畝以修橋道治傳舍五百畝爲子弟之養甫訖事而去子其爲發明其美遂肅然曰施君不以將去而不盡其心徐君不以方來而不方其志此遂之所願大書特書而未已也

宋左司員外郎倪公墓誌 無年月 在廣德 佚

呂居仁爲誌墓 書錄解題

按倪濤墓倪氏譜謂在扎寨圩 趙紹祖識

宋修武郎王公墓誌 無年月 吳應龍撰 在建平 佚

王機墓在建平縣南五里鎮山之麓吳應龍誌墓
廣德州志

宋大提點吳公墓誌

淳祐五年 平佚

錢于定撰

在建

吳應龍墓在建平縣南二十里吳村山端明殿學

士錢于定誌墓云淳祐五年十二月在原通鄉之

原

廣德州志

元建四先生祠堂記

至元二十二年 在廣德 佚

梅應發撰 文載廣德州志

記畧云文正范公天聖初來參軍聘名士淑賢者

治平中紫微舍人毘陵錢公輔君倚出牧尤篤教

養徙學東南且出學諭一篇中更宣靖學燼兵火

敷文中書洪公復興之作原學以示諸生學有浮

溪汪公范公祠記謂孫莘老始以事誌公之事後

洪慶善讀而慕之乃求公像祀於學此祠所由始也其後紹定四年更作思賢范錢洪三先生祠于講堂東乙亥師旅之餘禮殿僅存至元二十一年古博秦侯以府判提調學事撤而新之且謂發范公幽光者孫覺不宜獨遺於是四三賢而祀之訖事屬余記惟汪樓二老珉刻在前余曷敢僭辭不獲則復之曰秦侯之興復補闕豈直爲觀美哉所以維持名教也侯名德用今秩承直郎至元二十二年冬十一月郡人梅應發記

按記云汪樓二老珉刻在前而文未敘樓文竟

不知爲誰作蓋三先生祠記也余嘗署廣德學
謁四先生祠則所祀者文正真西山及明王叔
英周瑛詢其故則前四先生已久廢矣余以爲
真王周固應祀然不應任前祠之廢而襲其名
將言於州守增孫錢洪爲七賢會去不果

趙紹祖識

元廣德路學新置樂器記

延祐六年
在廣德

佚 牟應龍撰
文載廣德

州志

記畧云歷代以夫子爲中祀故學必有樂桐川獨
無有真定史侯來始議爲之鐘磬琴瑟簫笙埙篪
搏拊祝敔凡爲六十篋虞壁瑟畢備延祐五年七

月落成明年仲奏釋奠奏之教授趙由雋請記於
余未果而以憂去學錄蔣來孫以書來予曰釋奠
例用樂而多以為不切之務非侯尙儒術安能知
其不可而汲汲圖哉侯名烜字正明勲臣鎮陽王
之孫既葺大成殿又造雅樂不可以不書

元修學記

延祐間

在廣德

殘闕

明倫堂有殘碑書甚工而失下載上篆皇元廣德
路修建廟學記所載官有學錄鄭禾等又有高昌
人三字考明統志僕文質係高昌人知碑卽是時
所立者蓋延祐間事也

廣德州志

元石溪寺無一禪師塔銘

後至元三年 僕文質撰
在廣德 未見 文載廣

德州志

石溪寺在州治東南五十里天寶山中元延祐中

無一禪師建天曆二年賜額太平興龍寺至元三

年三月知廣德路僕文質撰趙雍篆額僕玉立書

丹 廣德州志

元重建英烈王廟碑記

至元四年 秦良撰 在建
平 佚 文載廣德州志

在建平縣東北四十里伍牙山廟祀伍員唐建宋

元間重修有記

廣德州志

記畧云案桐汭志載伍牙山又名護牙山世傳伍

員伐楚經此山有老嫗異其牙員欲折之崖石山
靈若護之者故名漢高帝九年封員忠靖君祠於
山巔後漢又封威武將軍楚城君山之南有潭一
一夕風雨驟起神運廟木潭西一里遂遷造卽今廟
也唐開元六年大旱禱祠雨足封威武忠靖王宋
開寶八年封威武忠靖英烈靈佑王皇元大德七
年加封忠孝威惠顯王求雨響應廟久不修至元
四年奉旨致祭名山大川忠臣烈士迺訪遺老得
開寶間翰林竇偁所撰記始知建廟之由遂命建
平縣尹高璧等鳩工度材去故易新且叙其事镌

石以記歷代尊崇之典

元天寶山太平興龍寺碑

至正七年
廣德佚

李洞撰
文載廣德州

志

記畧云桐川之東有山曰天寶泉曰石溪延祐三年守僕文質延長沙無一全公爲精籃居之天歷二年師示寂頑石瑱公主事有司以聞賜額太平興龍元統間瑱公謝事郡守秦良萬夫長完顏帖木兒請全公上首元照補其處更創傑以奉三聖千佛百師皆範銅爲之求記於余至正七年九月奎章閣學士院承制學士李洞撰翰林待制兼修

國史揭傒斯篆額平江路吳江州知州干文傳書

六安州

唐大德碑

無年月

在霍山縣

佚

唐大德碑在霍嶽頂廬守馬公金詩云洗誌碑題

大德年又元小碑見舊志二碑今俱失攷

霍山縣志

按唐無大德年號大德是元之紀元唐時稱僧

爲大德或當時僧碑否則爲元碑也霍山志與

馬金詩皆誤又按馬詩傳聞嶽號元封歲洗認

碑題大德年非洗誌也

趙紹祖識

唐咎繇碑

無年月

皮日休撰

在六安州

佚

皮日休文有云太史公目禹母咎繇之後於英六
日休道出英六之下厥祠存焉乃再拜於廟庭退
而碑之請從陽少

關二

刊於壁

輿地紀勝碑目

宋六安縣新學記

紹熙五年

葉適撰
佚文載水心集

在六安州

記畧云六安臯陶故國孔子叙書列古聖人堯舜
禹臯陶四人而已自臯陶開天德之品興九德之
教以成天下之材家邦各义采事競勸故教德之
方自臯陶始會稽陸子虞爲六安令新立學日取
賣酒錢一千饌諸生來請記余嘗北行沿淮望潁
水西入梅林沙窩百餘里中山四合如攢綺繡南

下蘄舒所謂潛天柱峯信名山哉或言六安山谷
尤深余欲至其處不可得夫九德者臯陶之教學
之始也故書遺陸君使刻於石紹熙五年二月

元化城寺記

無年月 余闕撰
文載青陽山房集

在六安州 佚

記畧云小河出霍東流至六北轉南折以入於戒
河曲有洲二叅互衍迤齊頭諸峯羅列於前禪師
洪聰泰定初游淮過而樂之州民闕氏爲買其地
乃築室前洲居焉學佛者多往從之因號化城寺
皇孫宣讓王爲外護六人事佛者亦無不禮焉

泗州

唐泗州臨淮縣普光王寺碑

景龍四年
在臨淮

佚
李邕撰

碑畧云普光王寺者僧伽和尚之所經始焉姓何
龍朔初西來縱觀臨淮發願置寺興廣濟心儀普
照佛名聞於天中宗孝和皇帝延入別殿乃請寺
名仍依佛號皇帝以照言犯諱光字從權親覩御
書寵題寶額和尚以景龍四年三月二日端坐棄
代於京薦福寺勅有司造靈輿給傳遞哀送國門
以五日還至本處是刻豐碑以光盛美

按墨池編又有泗州臨淮普光王寺主碑原注
柳公權書在京兆或以僧伽卒於京薦福寺後

爲立碑於京兆也附記之於此 趙紹祖識

唐光福寺聖井碑 無年月 在盱眙 佚

在古盱眙光福寺舊有碑漫不可考額篆唐正元

碑上有唐翰林學士是道微數字存焉 輿地紀勝碑目

唐磬泉石刻 無年月 存盱眙 佚

在古離宮西南任家山側上有石刻 輿地紀勝碑目

唐法華和尚焚身碑 無年月 在昭信縣 佚

在昭信縣彭材市南妙明觀 輿地紀勝碑目

唐泗州開元寺鐘銘并序 貞元十五年 李鄴撰 在泗州 佚 文載習之

集

序云維泗州開元寺遭罹水火漂焚之餘僧澄觀
與其徒僧復舊室居作大鐘貞元十五年厥功成
隴西李翱書辭以紀之

宋泗州先春亭記

景祐三年
佚文

歐陽修撰
文忠集

在泗州

記畧云景祐二年秋清河張侯以殿中丞來守泗
上問民之所素病而治其尤暴者曰暴莫大於淮
越明年春作城之外堤因其舊而廣之堤成高三
十三尺於是因前蔣侯之亭新之以爲勞餒之所
曰思邵亭又治常豐倉二夾室一以治出納曰某
亭一以爲舟者寓舍曰通漕亭然後曰吾亦有所

休乎乃築州署之東城上爲先春亭以臨淮水而望西山是歲秋余過泗上知張侯之善爲政先民之備災而及於賓客往來然後思自休焉故記之先時歲大水前司封員外郎張侯夏守是州築堤以禦之今所謂因其舊者是也

宋壽安縣君王氏墓誌銘

嘉祐五年
在天長

佚 王安石撰
文載王臨

川集

誌畧云江淮荆湖兩浙制置發運使少府監廣陵孫君之夫人壽安縣君太原王氏嘉祐四年卒明年葬揚州之天長縣博陵鄉皇姑之兆

宋張汝賢等題名

元祐二年

在盱眙

未見

正書元祐二年七月在盱眙

寰宇訪碑錄

宋王彥祖等題名

崇寧元年

在盱眙

未見

崇寧元年二月行書在盱眙

寰宇訪碑錄

宋劉晦叔等題名

崇寧元年

在盱眙

未見

崇寧元年三月行書在盱眙

寰宇訪碑錄

宋第一山石刻

無年月

米芾書

在盱眙

存

此刻在盱眙縣中南樓觀石乃摹刻耳縱逸飛動

殊有一夫當關之勢

石墨鐫華

宋繡巖堂碑

無年月

米芾書

在盱眙

未見

繡巖堂碑米芾書

輿地紀勝碑目

宋張大亨米芾題名

崇寧五年

在盱眙

未見

崇寧五年行書在盱眙

寰宇訪碑錄

宋李粹老等題名

大觀元年

在盱眙

未見

行書大觀元年二月在盱眙

寰宇訪碑錄

宋王璘等題名

大觀二年

在盱眙

未見

行書大觀二年四月在盱眙

寰宇訪碑錄

宋鄭釋之等題名

宣和七年

在盱眙

未見

正書宣和七年三月在盱眙

寰宇訪碑錄

宋鍾離松等題名

紹興二十三年

在盱眙

未見

篆書紹興二十三年四月在盱眙 寰宇訪碑錄

宋史彌大等題名 淳熙八年 在盱眙 存

右文云四明史彌大方叔山陰賀錫叔況淳熙辛丑季秋廿六日以迓客同來凡四行八分書在盱眙第一山自乾道與金通和交聘必取道盱眙凡宋臣使北及接伴北使而至皆題名崖石此其一也孝宗以十月廿二日生號會慶節此所迓者賀生辰使以金史交聘表攷之則宗室胡什賚鄧儼也彌大浩之長子乾道五年進士官至禮部侍郎潛研堂金石文跋尾續

宋黃由等題名

紹熙二年

在盱眙

存

右題名四行文云黃由張宗益以使事同來憑高望遠爲之慨然紹熙辛亥冬至前一日按宋史光宗紀紹熙二年九月遣黃申等使金賀正旦金交聘表明昌三年正月乙巳朔宋煥章閣學士黃申明州觀察使張宗益賀正旦卽此事宋史紀差遣之日金史紀入賀之日故年月殊耳黃由字子由蘇州人淳熙八年進士第一人及第官至寶謨閣學士刑部尙書直學士院兩史皆譌由作申當據石刻正之

潛研堂金石文跋尾續

宋沈友開等題名

紹熙三年

在盱眙

未見

行書紹熙三年八月在盱眙

寰宇訪碑錄

宋永嘉徐誼等題名

紹熙三年

在盱眙

未見

行書紹熙三年十二月在盱眙

寰宇訪碑錄

宋張釜等題名

慶元二年

在盱眙

存

右題名在盱眙第一山文云丹陽張釜開封耿與義被命肅客末題慶元丙辰冬季四日以接伴金賀正旦使而至也釜以慶元元年乙卯知廣州次年春猶在粵而其冬已有接伴使臣之命則被召卽在此年但未審時任何職耳慶元丙辰卽金承

安元年所肅客爲完顏崇道其副使則無可考矣
潛研堂金石文跋尾續

宋耿與義題名 嘉泰二年 在盱眙 未見

行書嘉泰二年十月在盱眙 夏宇訪碑錄

宋盱眙軍翠屏堂記 開禧元年 陸游撰 佚 文載渭南集 在盱眙

記畧云國家故都汴南舟必自盱眙絕淮乃能入
汴北舟亦自是入楚之洪澤以達大江高宗受命
中興駐蹕臨安歲受朝聘詔盱眙進郡除館治道
以迎勞宿餞而王人持尺一牘懷柔殊鄰亦取道
於此地望愈重吳興施侯知軍事相地南山得異

境焉乃築傑屋極工緻堂成取取米禮部芾詩名
之曰翠屏至山陰請記予曰予記不足稱雖强承
命終以爭愧侯名宿字武子爲朝散大夫直秘閣
宋齊礪等題名 嘉定二年 在盱眙 未見

郡太守齊礪等題名行書嘉定二年四月在盱眙
寰宇訪碑錄

宋第一山三字 嘉定二年 在盱眙 未見

齊礪行書嘉定二年在盱眙 寰宇訪碑錄

宋陳彥題名 咸淳九年 在盱眙 未見

穎川陳彥行書咸淳九年三月在盱眙 寰宇訪碑錄

宋李璆等題名 無年月 在盱眙 未見

行書無年月在盱眙 寰宇訪碑錄

元普照禪寺靈瑞塔碑 延祐五年 在泗州 未見

趙孟頫撰并正書延祐五年九月 寰宇訪碑錄

元嘉山碑 無年月 在盱眙 未見

嘉山碑在盱眙 天下金石志

元瑞巖泉篆刻 無年月 在盱眙 未見

瑞巖泉篆刻在盱眙 天下金石志